



Bosnia and Herzegovina
Federation of Bosnia and Herzegovina

CANTON SARAJEVO
Ministry of Economy

Broj: 07-05-15-30242-2/24
Sarajevo, 30.05.2024. godine

Na osnovu člana 4. stav (1) Pravilnika o postupcima u provođenju programa razvoja male privrede ("Službene novine Kantona Sarajevo", br. 20/21, 25/23, 47/23 i 16/24), a u skladu sa Odlukom o usvajanju Godišnjeg plana provođenja Programa razvoja male privrede za 2024. godinu, broj: 02-04-27491-55/24 od 09.05.2024. godine i Odlukom o usvajanju Izmjena i dopuna ovog Godišnjeg plana koja je donesena na 25. sjednici Vlade Kantona Sarajevo održanoj 23.05.2024. godine, Ministarstvo privrede Kantona Sarajevo objavljuje

JAVNI POZIV za dostavljanje prijava za poticaj projektima promocije obrtništva

I PREDMET JAVNOG POZIVA

Predmet Javnog poziva je dodjela poticajnih sredstava za projekte promocije obrtništva koji podrazumijevaju provođenje aktivnosti usmjerenih na razvoj i afirmaciju obrta, očuvanje obrtničke tradicije, očuvanje kulturnog i historijskog nasljeđa tradicionalnih i starih obrtničkih djelatnosti, održavanje edukacije i promocije u cilju jačanja veze između obrazovnog sistema i obrtništva, subvencioniranje troškova obrtnika za učešće na sajmovima i izložbama u cilju jačanja veze između obrazovnog sistema i obrtništva, interesno umrežavanje obrtnika i organizovano zastupanje i predstavljanje interesa obrtnika.

II PRAVO UČEŠĆA

Pravo na dodjelu poticajnih sredstava po ovom Javnom pozivu može ostvariti Obrtnička komora Kantona Sarajevo i udruženje obrtnika, odnosno podnosilac prijave koji pripada ovoj kategoriji, koji podnese prijavu na ovaj Javni poziv i:

- 1) ako je uredno registrovan i djeluje na području Kantona Sarajevo,
- 2) ako je u prijavi na Javni poziv dostavio projekat iz Poglavlja V tačka 2) ovog Javnog poziva koji je u skladu sa pravilima ovog Javnog poziva i koji uključuje prihvatljive troškove iz Poglavlja IV ovog Javnog poziva,
- 3) ako je dostavio prijavu u skladu sa ovim Javnim pozivom,
- 4) ako ispunjava sve ostale uslove iz ovog Javnog poziva i
- 5) ako je primjenom pravila i kriterija za odabir korisnika sredstava iz Poglavlja VIII tačka b) ovog Javnog poziva i limita ukupno planiranih sredstava iz Poglavlja III ovog Javnog poziva odabran kao korisnik sredstava.



III IZNOS SREDSTAVA

Ukupan planirani iznos sredstava (limit): Ukupan planirani iznos sredstava (limit) po ovom Javnom pozivu je 50.000,00 KM (slovima: pedesethiljada konvertibilnih maraka), a ova finansijska sredstva utvrđena su u Budžetu Kantona Sarajevo za 2024. godinu, na poziciji "Poticaj razvoju male privrede", ekonomski kod 614500, subanalitika IAP 005 i planirana u Godišnjem planu provođenja Programa razvoja male privrede za 2024. godinu.

Maksimalni iznos poticajnih sredstava po pojedinačnom projektu/programu: Maksimalan iznos poticaja po jednom prihvaćenom programu/projektu može iznositi najviše do 20.000,00 KM (slovima: dvadesethiljada konvertibilnih maraka).

IV PRIHVATLJIVI I NEPRIHVATLJIVI TROŠKOVI

Prihvatljivi troškovi:

- 1) Treninzi i specijalizirane obuke;
- 2) Troškovi angažmana eksperata i predavača;
- 3) Troškovi radnih materijala za obuke;
- 4) Troškovi iznajmljivanja specijalizirane opreme neophodne za obuke;
- 5) Troškovi nabavke IT opreme i uredskog namještaja koji su u direktnoj vezi sa predloženim projektom provođenja obuke.

Neprihvatljivi troškovi:

- 1) Nabavka usluga i opreme od lica koja nisu registrovani poslovni subjekti;
- 2) Nabavka polovne opreme;
- 3) Troškovi putovanja;
- 4) Troškovi režija i održavanja;
- 5) Ostali troškovi koji nisu relevantni za implementaciju dostavljenog programa /projekta te svi troškovi plaćeni u gotovini.

V SADRŽAJ PRIJAVE NA JAVNI POZIV

Podnosilac prijave na Javni poziv mora dostaviti prijavu koja uključuje sljedeće:

- 1) **Prijavni obrazac**, ovjeren potpisom ovlaštenog lica i pečatom podnosioca prijave (original);
- 2) **Projekat**, ovjeren potpisom ovlaštenog lica i pečatom podnosioca prijave, koji mora sadržavati sljedeće: naziv projekta, detaljan opis plana realizacije, ključne aktivnosti, plan implementacije projektnih aktivnosti, pregled budžeta projekta koji uključuje sve aktivnosti koje treba realizovati iz sredstava poticaja, te na jasan način objasniti o kakvom projektu se radi. Projekat mora predvidjeti broj mjerljivih rezultata na koje će realizacija projekta imati najviše efekta. U pregledu budžeta projekta predstavljaju se troškovi do kojih implementator projekta očekuje da će doći za vrijeme trajanja projekta. Pregled budžeta treba da govori isto što i opis prijedloga projekta, a stavke budžeta treba da prate logičan slijed aktivnosti na način kako je projektom navedeno. Projekat - budžet projekta mora da uključuje minimalni iznos s kojim podnosilac prijave sufinansira projekt, planirani broj polaznika obuke, planirani broj zaposlenih nakon obuke, vrijeme trajanja obuke, ukupan budžet projekta, traženi iznos poticajnih sredstava Ministarstva privrede Kantona Sarajevo za nova zapošljavanja, iznos i namjenu vlastitih ulaganja i sl. Potrebno je da što više budžetskih stavki bude zasnovano na tačno utvrđenim troškovima, a ne na približnim procjenama. Također, s obzirom da je predviđena obaveza podnosioca prijave da sufinansira projekt sa najmanje 10% njegove vrijednosti, potrebno je specificirati planirane aktivnosti i navesti izvore finansiranja navedenih aktivnosti iz sopstvenih i/ili drugih izvora. U sklopu projektnog prijedloga dostavljaju se dodatna pojašnjenja budžetskih stavki navedenih u formi pregleda budžeta. Tabela prikaz planiranog utroška sredstava mora obuhvatiti sve stavke jasno i kratko opisane, sa definisanom mjernom jedinicom, brojem jedinica i jediničnom cijenom, gdje



njihov rezultat daje ukupnu vrijednost svake takve budžetske stavke. Poticajnim sredstvima koja se dodjeljuju mogu se financirati administrativni troškovi i troškovi osoblja u maksimalnom iznosu do 35% od zahtjevanog iznosa sredstava za realizaciju projekta. Ostali dio finansijskih sredstava predviđen je za programske aktivnosti projekta. Odobreni projekat po ovom Javnom pozivu se mora provesti najkasnije u roku od šest mjeseci od dana doznake sredstava korisniku sredstava. Dalje, program/projekt može uključivati samo prihvatljive troškove iz Poglavlja IV ovog Javnog poziva i obavezno sadržavati slijedeće elemente: izvor i način finansiranja, broj članova udruženja obrtnika, organiziranost podnosioca prijave, utjecaj aktivnosti na ravnomjerniji lokalni razvoj, iznose i namjenu dosadašnjih poticaja od strane Federalnog ministarstva razvoja, poduzetništva i obrta. Dakle, projekat/program mora inkorporirati opis usklađenosti ciljeva programa ili projekta sa ciljevima i prioritetnim oblastima iz strateških dokumenata, organizacijske kapacitete podnosioca prijave, dosadašnja iskustva podnosioca prijave u provođenju istog ili sličnih aktivnosti/programa/projekata, učešće drugih partnera u realizaciji, budžet programa/projekta koji treba biti razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti programa/projekta, iznos koji se traži od davaoca sredstava, iznos i namjenu vlastitih sredstava koje će podnosilac prijave sam uložiti u provođenje aktivnosti programa/projekta (sufinansiranje). Po ovom Javnom pozivu, Ministarstvo privrede Kantona Sarajevo će odbiti program/projekt podnosioca prijave ako isti nije sačinjen po pravilima ovog Javnog poziva, te će se smatrati da u tom slučaju podnosilac prijave nije zadovoljio uslove ovog Javnog poziva.

3) Opće isprave i drugu opću dokumentaciju, kako slijedi:

- a) Aktuelni izvod iz sudskog registra za subjekt upisa izdat od nadležnog registarskog suda za pravno lice, odnosno Rješenje o registraciji udruženja obrtnika izdato od nadležnog organa (original ili fotokopija ovjerena od nadležnog organa - općina/notar);
- b) Uvjerenje o poreskoj registraciji - identifikacijski broj (ID broj) izdato od Porezne uprave Federacije BiH (original ili fotokopija ovjerena od nadležnog organa - općina/notar);
- c) Uvjerenje o registraciji obveznika poreza na dodanu vrijednost ili u slučaju da podnosilac prijave nije obveznik po ovom osnovu potrebno je dostaviti uvjerenje Uprave za indirektno/neizravno oporezivanje da isti nije upisan u Jedinstveni registar obveznika indirektnih poreza ne starije od 60 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
- d) Obavještenje o razvrstavanju podnosioca prijave prema klasifikaciji osnovne djelatnosti, koje izdaje Federalni zavod za statistiku - Služba za statistiku za područje Kantona Sarajevo prema Klasifikaciji djelatnosti KD BiH 2010 ("Službeni glasnik BiH", broj 47/10) (original ili fotokopija ovjerena od nadležnog organa - općina/notar);
- e) Bilans stanja na dan 31.12.2023. godine i bilans uspjeha za period od 01.01.2023. do 31.12.2023. godine za podnosioca prijave, odnosno Specifikacija za utvrđivanje dohotka od samostalne djelatnosti SPR - 1053 i Godišnja prijava poreza na dohodak za 2023. godinu za podnosioca prijave koji obavlja registrovanu djelatnost (original ili fotokopija ovjerena od nadležnog organa - općina/notar).
- f) Uvjerenje Porezne uprave Federacije Bosne i Hercegovine o izmirenim direktnim porezima (doprinosi za PIO/MIO i doprinosi za zdravstveno osiguranje) ne starije od 60 dana od dana objave Obavještenja o ovom Javnom pozivu u "Službenim novinama Kantona Sarajevo" sa obaveznim prilogom - Lista osiguranih za obveznika (original ili fotokopija ovjerena od nadležnog organa - općina/notar);

- g) Uvjerenje o izmirenim indirektnim porezima izdato od Uprave za indirektno/neizravno oporezivanje, ne starije od 60 dana od dana objave javnog poziva (original ili fotokopija ovjerena od nadležnog organa - općina/notar);
- h) Ugovor ili potvrda banke o otvorenom bankovnom računu na ime podnosioca prijave (original ili fotokopija ovjerena od nadležnog organa - općina/notar);
- i) Izjava ovlaštenog lica podnosioca prijave u originalu, ovjerena potpisom ovlaštenog lica, te dodatno ovjerena od nadležnog organa - općina/notar, kojom ovlašteno lice pod punom moralnom, materijalnom i krivičnom odgovornošću potvrđuje:
 - i. da se protiv njega ne vodi krivični postupak i da nije pravosnažno osuđen za počinjenje krivičnog djela i/ili privredni prijestup,
 - ii. da nad podnosiocem prijave u kojem je ovlašteno lice nije otvoren stečajni ili likvidacioni postupak ili da podnosilac prijave u kojem je ovlašteno lice nije obustavio poslovnu djelatnost,
 - iii. da će podnosilac prijave u kojem je ovlašteno lice namjenski utrošiti sredstva ukoliko mu ista budu dodijeljena po ovom Javnom pozivu,
 - iv. da je podnosilac prijave u kojem je ovlašteno lice, u slučaju da je bio korisnik sredstava na osnovu Zakona o poticaju razvoja male privrede ("Službene novine Kantona Sarajevo", broj 29/15), opravdao namjenski utrošak ovih sredstava, a ako nije bio korisnik ovih sredstava da nije bio korisnik ovih sredstava,
 - v. da podnosilac prijave u kojem je ovlašteno lice za predmet poticaja za koji je podnesena prijava po ovom Javnom pozivu nije primio poticajna sredstva putem drugih programa finansiranja/sufinansiranja Vlade Kantona Sarajevo, neke druge institucije u Federaciji BiH ili nevladine organizacije,
 - vi. da je saglasan da rezultat ovog Javnog poziva bude objavljen na web stranici Ministarstva privrede Kantona Sarajevo;
 - vii. da je saglasan da Ministarstvo privrede Kantona Sarajevo i Komisija za izbor korisnika poticajnih sredstava po ovom Javnom pozivu mogu obrađivati dokumente kojima se dokazuje njegov lični identitet i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11); i
- j) Drugi dokumenti ako su propisani Javnim pozivom.

4) Posebne isprave i drugu posebnu dokumentaciju, kako slijedi:

- a) Izjava na memorandumu podnosioca prijave o organizovanosti, broju i kvalifikacionoj strukturi podnosioca prijave, ovjerena pečatom podnosioca prijave i potpisana od ovlaštene osobe podnosioca prijave (original);
- b) Izjava na memorandumu podnosioca prijave o broju i kvalifikacionoj strukturi lica angažovanih za provedbu projekta, ovjerena pečatom podnosioca prijave i potpisana od ovlaštene osobe podnosioca prijave (original);
- c) Pisana saglasnost odgovarajućeg organa/institucije ukoliko se projekat podnosioca prijave iz Poglavlja V tačka 2) implementira u saradnji sa obrazovnim ili drugim institucijama (original ili fotokopija ovjerena od nadležnog organa - općina/notar).

Napomena 1: Poticajna sredstva se neće dodijeliti podnosiocima prijave koji imaju dospjeli dug po osnovu poreza i doprinosa, osim ako je podnosilac prijave umjesto dokaza iz podtačke f) i g) tačke 3) ovog Poglavlja dostavio potpisan ugovor sa Poreznom upravom Federacije BiH i/ili Upravom za indirektno/neizravno oporezivanje BiH o otplati duga na rate sa potvrdom nadležnih organa o uredno izmirenim ugovornim obavezama o otplati duga na rate (fotokopija ovjerena od nadležnog organa - općina/notar).

Napomena 2: Prijava mora sadržavati sve potrebne isprave i dokumentaciju iz Poglavlja V ovog Javnog poziva, a ove isprave i dokumentacija trebaju biti poredane tačnim redoslijedom koji je



propisan u Poglavlju V ovog Javnog poziva. Prijava treba biti čvrsto uvezana, a sve strane prijave numerisane i ovjerene pečatom podnosioca prijave i potpisom ovlaštenog lica podnosioca prijave.

Napomena 3: Ukoliko se naknadno utvrdi da su tvrdnje u izjavi podnosioca prijave iz podtačke i) tačke 3) ovog Poglavlja i podtačaka a) i b) tačke 4) ovog Poglavlja neistinite, kao i da je druga dokumentacija podnosioca prijave propisana ovim Poglavljem neistinita, prijave se neće uzeti u razmatranje, a ukoliko se ove činjenice utvrde nakon dodjele poticajnih sredstava podnosilac prijave kojem budu dodijeljena sredstva obavezan je izvršiti povrat dodijeljenih poticajnih grant sredstava sa pripadajućim zakonskim zateznim kamatama.

VI ROK ZA PODNOŠENJE PRIJAVA

Rok za dostavljanje prijava je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo", odnosno od 30.05.2024. godine. Javni poziv i prijavni obrazac objavljeni su na web stranici Ministarstva privrede Kantona Sarajevo <http://mp.ks.gov.ba/>. Prijave primljene nakon isteka roka neće biti uzete u razmatranje.

VII MJESTO I NAČIN PODNOŠENJA PRIJAVA

Prijave se podnose u zatvorenoj koverti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - po Javnom pozivu za poticaj projektima promocije obrtništva". Na poleđini koverta obavezno je navesti sljedeće: puni naziv podnosioca prijave, puni naziv projekta/programa koji se dostavlja u prijavi, adresa i kontakt telefon, te ovjeriti pečatom subjekta.

VIII USLOVI I KRITERIJI ZA IZBOR KORISNIKA

Sve dostavljene prijave će se razmatrati komisijski u dva koraka, a u skladu sa propisanim uslovima, pravilima i kriterijima ovog Javnog poziva.

a) Ispunjenost uslova

U sklopu ovog koraka, po prijemu i otvaranju prijava, ocjenjuju se sljedeći elementi:

- i. Da li je prijava stigla u utvrđenom roku. Ukoliko nije, prijava se odbija.
- ii. Da li je dostavljen prijavni obrazac, opća i posebna dokumentacija u skladu sa Poglavljem V ovog Javnog poziva.
- iii. Da li je projekat/program iz Poglavlja V tačka 2) ovog Javnog poziva u skladu sa pravilima ovog Javnog poziva. Prilikom evaluacije dostavljenog projekta/programa razmatrat će se:
 - Da li je prijedlog projekta/programa sačinjen shodno pravilima iz Poglavlja V tačka 2) ovog Javnog poziva?
 - Da li je prijedlog projekta/programa jasan, logičan i relevantan u odnosu na očekivane rezultate?
 - Da li je plan aktivnosti izvodljiv i logičan?
 - Da li su očekivani rezultati izvodljivi, dobro opisani (mjerljivi i kvantificirani), te logički povezani?
 - Da li prijedlog projekta predviđa vidljivost i promotivne aktivnosti?
 - Koliki je iznos i koja je namjena vlastitog sufinansiranja u odnosu na ukupnu vrijednost projekta?

Ministarstvo privrede Kantona Sarajevo će odbiti program/projekt podnosioca prijave ako isti nije sačinjen po pravilima ovog Javnog poziva, te će se smatrati da u tom slučaju podnosilac prijave nije zadovoljio uslove ovog Javnog poziva.

b) Pravila i kriteriji za odabir korisnika sredstava

- i. U slučaju da se nakon obrađenih svih prijava po pojedinačnim programima: 4.2.5, 4.2.7, 4.2.8, 4.2.9, 4.2.10 i 4.2.11 iz Godišnjeg plana, u postupku izbora korisnika poticajnih sredstava po odnosnom pojedinačnom programu utvrdi da je planirani iznos sredstava za taj pojedinačni program veći od iznosa sredstava utvrđenog nakon svih obrađenih prijava za taj pojedinačni



- program, taj dio sredstava može se preraspodijeliti i odobriti na one pojedinačne programe za koje planirana sredstva nisu dostatna, tj. dovoljna shodno zaprimljenim i obrađenim urednim prijavama. Odnosna preraspodjela sredstava po pojedinačnim programima utvrđuje se odlukom Ministarstva privrede Kantona Sarajevo i odnosi se na sve javne pozive za izbor korisnika poticajnih sredstava po pojedinačnim programima: 4.2.5, 4.2.7, 4.2.8, 4.2.9, 4.2.10 i 4.2.11 iz Godišnjeg plana.
- ii. Ukoliko preraspodjelom sredstava iz podtačke i. ove tačke nije moguće obezbijediti iznose sredstava koji su dostatni, tj. dovoljni shodno zaprimljenim i obrađenim urednim prijavama za pojedinačne programe: 4.2.5, 4.2.7, 4.2.8, 4.2.9, 4.2.10 i 4.2.11 iz Godišnjeg plana, preraspodjela sredstava u cilju obezbjeđenja sredstava do potrebnog iznosa po pojedinačnom programu, izvršit će se prema sljedećem redoslijedu pojedinačnih programa: 4.2.8, 4.2.9, 4.2.10, 4.2.5, 4.2.7 i 4.2.11.
 - iii. Ako se preraspodjelom sredstava iz podtačaka i. i ii. ove tačke ne obezbijedi potreban iznos sredstava po određenim - preostalim pojedinačnim programima iz redoslijeda iz podtačke ii. ove tačke, podnosioci prijave po tim pojedinačnim programima mogu ostvariti pravo na poticajna sredstva u proceduri ocjenjivanja prijave prema sljedećim kriterijima: A - Vrsta djelatnosti (maksimalno 30 bodova); B - Broj zaposlenih (četiri grupe, maksimalno 40 bodova); i C - Ostvareni prihod (četiri grupe, maksimalno 30 bodova). Za kriterije: A, B i C, iznos bodova u svakoj pojedinačnoj grupi utvrđen je u Tabeli 2. ovog Javnog poziva.
 - iv. Nakon izvršenog bodovanja iz podtačke iii. ove tačke, za grupu aplikanata koji ostvare broj bodova koji se u cijelosti nalazi unutar definiranog limita sredstava po odnosnom pojedinačnom programu (Grupa I), bit će isplaćen cjelokupan iznos sredstava traženih u odnosnim pojedinačnim prijavama ovih aplikanata.
 - v. Za preostala sredstva formira se Grupa II od preostalih aplikanata sa najvećim brojem bodova. Ovim aplikantima sredstva će biti isplaćena proporcionalno iznosu sredstava iz odnosnog zahtjeva i sredstava koja su preostala nakon raspodjele sredstava iz podtačke iv. ove tačke. Iznos sredstava koji će biti isplaćen po pojedinačnom aplikantu iz Grupe II obračunava se na sljedeći način: (Ukupan preostali iznos sredstava do definiranog limita sredstava iz Poglavlja III ovog Javnog poziva/Ukupan traženi iznos sredstava svih aplikanata iz Grupe II) x (Pojedinačni traženi iznos sredstava aplikanta iz Grupe II).

Tabela 1. Kriteriji za izbor korisnika sredstava

R/b	Kriterij	Vrsta djelatnosti	Broj bodova	Izvor verifikacije
1.	Vrsta djelatnosti	Obrtnička Komora Kantona Sarajevo	30	Obavještenje o razvrstavanju prema KD BiH 2010
		Udruženje obrtnika koje je uredno registrovano i djeluje na području Kantona Sarajevo	25	
2.	Broj zaposlenih	Više od 5	40	Potvrda PU i Lista osiguranih lica za obveznika
		3 - 5	38	
		1 - 2	36	
		1	35	
3.	Dobit	Više od 15.000,00	30	Bilans stanja i bilans uspjeha ili Specifikacija za utvrđivanje dohotka (obrazac SPR – 1053)
		Od 10.000 do 15.000,00	29	
		Od 5.000 do 10.000,00	28	
		Do 5.000,00	27	

Napomena: Podnosilac prijave koji u dostavljenim finansijskim izvještajima ima iskazan gubitak se po osnovu kriterija iz tačke 3. Tabele 1. ocjenjuje sa 0 bodova.

X OSTALE ODREDBE



Adresa: Reisa Džemaludina Čauševića 1, 71 000 Sarajevo
 Tel: + 387 (0) 33 562-122, Fax: + 387 (0) 33 562-226
 Web: <http://mp.ks.gov.ba>, E-mail: mp@mp.ks.gov.ba

Sa odabranim korisnicima Ministarstvo privrede Kantona Sarajevo zaključuje ugovor o dodjeli poticajnih sredstava, nakon čega se sredstva doznačavaju na dostavljene račune korisnika. U skladu sa ugovorom korisnici sredstava dužni su u roku i na način propisan ugovorom za sve aktivnosti dostaviti Izvještaj sa traženim dokazima o namjenskom utrošku poticajnih sredstava. Podnosilac prijave, tj. korisnik je obavezan da se prilikom implementacije sredstava pridržava svih pozitivnih zakonskih propisa koji se primjenjuju u Bosni i Hercegovini, Federaciji Bosne i Hercegovine i Kantonu Sarajevo, a Ministarstvo privrede Kantona Sarajevo se obavezuje da vrši nadzor nad provođenjem ugovornih obaveza iz ovog Ugovora, uvidom u odnosnu dokumentaciju u vlastitim prostorijama i kod Korisnika sredstava, a u slučaju potrebe i uvidom u podatke pribavljene službenim putem od strane odnosnog nadležnog organa. Ministarstvo privrede Kantona Sarajevo pri vršenju nadzora poduzima mjere iz svoje nadležnosti, a u slučaju kada činjenično utvrdi razlog za poduzimanje odnosne mjere ili utvrdi postojanje osnovane sumnje da postoji krivična odgovornost određenog lica, u njegovom postupanju prije i nakon zaključenja Ugovora, Ministarstvo privrede Kantona Sarajevo će bez odgađanja pokrenuti postupak utvrđivanja krivične odgovornosti tog lica. U postupku po ovom Javnom pozivu Ministarstvo privrede Kantona Sarajevo zadržava pravo da programe/projekte podnosioca prijave prihvati u cijelosti, djelomično, ili ih odbije, te da poništi ovaj Javni poziv, ili da odbaci sve programe/projekte, u bilo koje vrijeme prije zaključenja ugovora. Ministarstvo privrede Kantona Sarajevo ne snosi odgovornost prema učesnicima ovog Javnog poziva, u pogledu aktivnosti koje su preduzeli u cilju podnošenja prijave za određeni program. Podnosilac prijave po ovom Javnom pozivu, u cilju zaštite svojih prava, može dostaviti pisani prigovor Ministarstvu privrede Kantona Sarajevo, u roku od osam dana od dana objave preliminarnog prijedloga korisnika poticajnih sredstava. Po ovom prigovoru rješava Ministarstvo privrede Kantona Sarajevo, najkasnije u roku od 15 dana.

Napomena: Kontakt telefon za dodatne informacije po određenim pitanjima iz ovog Javnog poziva se mogu dobiti putem telefona: 033 258 132, svakim radnim danom od 13:00 do 15:00 sati.

Dostaviti:

1. Evidencija
2. a/a

